

四庫全書

史部

欽定四庫全書

硃批諭旨卷一百五

硃批楊鵬奏摺

雍正四年四月初二日山東沂州營副將

臣楊鵬

謹

奏恭請

皇上聖安

朕安今用爾為南陽總兵矣所奏二事留中候酌定朕

是爾知己恩主爾知之乎衆人設計排陷復加叅奏朕俱不聽一見即以爾為可用不但加罪譴而反格外超擢且爾曾蒙

聖祖知遇身受兩朝眷顧若稍有孤負舉頭何以對

天前任董玉祥聲名甚好爾接任後如少不及仰面何以對朕勉力為之凡百處據實無隱公勤辦事和輯兵民訓練營伍整飭塘汛殫心盡力以圖報稱毋令人竊議朕之識人之明也

同日又

奏為奏

聞事竊

臣

查營汛墩臺之設有緝盜安民盤詰姦宄之

責今東省每墩設馬兵二名步兵三名晝則瞭望  
夜司戍守誠不可一刻稍懈但查墩兵均係土著  
間有距家一二百里之外者茲隻身撥派責有攸  
歸何敢擅離汛守惟念熒熒兵卒旣派斯墩其地  
勢情形加謹防範日久人地漸皆熟諳若復行更

換雖勞逸得均而新兵初至未必相宜且一兵所領月餉為數無多難堪兩地炊爨祇因墩臺原無兵丁家口棲身之所以致按年更易徒滋往返臣愚昧無知仰懇

皇上天恩請照山西墩房之例

敕下撫臣東省凡有大路墩臺地方除原有馬棚並公所營房二間之外每墩設法蓋造營房十間務必實力奉行修葺堅固寬大使兵丁眷屬棲止得所

該管營員擇兵之家口少者令其攜眷永遠居住  
如此則有家室之安無兼顧之慮得以盡心巡防  
不獨有便於墩兵亦且有裨於地方矣臣不揣愚  
陋謬陳芻蕘伏祈

聖鑒施行謹

奏

此事當詳明該撫鎮細加斟酌具題請旨

雍正四年六月二十六日河南南陽總兵官臣楊

鵬謹

奏為恭謝

天恩敬繳

聖諭事雍正四年四月二十日跪接

硃批諭旨

臣即望

闕九叩恭讀

聖諭不禁涕泗交流

臣

何人斯受此

隆恩雖粉骨碎身亦難圖報萬一竊思

臣

一介庸愚毫

無知識由干把微弁荷蒙

聖祖仁皇帝天恩於叅將任內即奉

特旨委署山西大同鎮印務彼時馬覲伯雖已陞補未經

到任緣

臣

賦性愚直屢因公事觸怒馬覲伯伊遂

設計排陷暗行叅

奏幸蒙我

聖主恩同天地明並日月不惟曲

賜矜全而且



隆恩疊沛補授今職伏念臣父子兄弟均蒙

聖主洪恩至於此極即木石猶知感動況臣具有人心

敢不力圖報效臣惟有凜遵

聖諭益加感奮潔已奉公無欺無隱竭盡犬馬血誠仰

副我

皇上格外委任之至意耳所有奉到

硃批原摺理合恭繳謹

奏

覽奏知道了勉力為之以副朕望

同日又

奏為請

旨遵行事竊臣荷蒙

聖主隆恩擢補南陽總兵官自入境之初經過臣屬營

汎見其隊伍旗幟皆舊敝不堪臣思旗幟為軍中

眼目若因仍舊習不為整頓非所以壯軍容而嚴

部伍也因查臣屬七營步兵缺少額設棉盔甲二

千六百零四頂副業經前鎮臣董玉祥

奏明將公費製造今已造成棉盔甲一千頂副現在

此係

兩酌量先後而行之事何必奏朕

朕

分給各營臣愚請暫停盔甲之工查明各營隊伍

應需大小旗幟若干面即委員製造數月之內約

可全備造完之日復行補造盔甲統俟足額報竣

恭疏

無庸具題造冊咨部具摺奏聞可也

題明一並造冊送部查核臣因營伍起見可否准行

伏乞

聖主敕示施行抑臣更有

奏者

臣

到任後查閱案卷已獲未獲之盜案共計四

十餘件現在報強報竊者不一而足揆厥所由皆

因專汎文武官弁平日怠玩巡防所致

臣

隨飛檄

各營將弁嚴飭巡防墩堡兵丁日夜巡查以期盜

息民安但兵丁有守汎巡防之責而實無離汎遠

緝之例必須文武協力清查盜源方克有濟

臣

已

諄切咨會河南撫臣轉飭各府州縣勤保甲之稽

查嚴捕役之窩縱文武同心地方自享寧謐之福  
如果有實力奉行之員著有成效臣當會同撫臣

另疏

題薦倘或因循懈怠臣即會同撫臣特疏

甚是

題叅此臣慎重地方管見是否妥協伏候

聖裁再查臣衙門從前親丁糧原係百分經董玉祥遵

照

恩賞之例減發四十分入於各營公費

奏請補造盔甲惟存馬步糧六十分此六十分之內

有馬糧四十八分歷來交代並無馬匹只有馬價

八百六十五兩因董玉祥那用無補

此

項朕已寬免之矣

題請變產還項俟馬價送到之日臣即通查各官缺

額騎坐馬匹起文赴部請票購買以補原額再臣

既蒙

恩賞親丁糧六十分臣亦不敢全糜

國帑現有隨臣任所家人二十餘名頗曉騎射俱飭

令頂補實伍一例差操理合據實

奏明統祈

聖主睿鑒施行謹

奏

亦不可過於清苦取分內應得養廉朕不嗔責汝也

同日又

奏為恭報二麥收成上慰

天心事竊

臣

叨蒙

隆恩擢補總兵重任不獨軍務係臣專職凡地方年歲

情形理宜據實陳奏臣到任後隨查得臣屬七營

之南陽汝寧歸德三府並開封府新改直隸許陳  
二州汝寧府新改直隸光州所屬四十九州縣地  
方自春徂夏雨暘時若二麥收成咸稱豐稔米糧  
價值甚平民無艱食之虞入夏以來又復甘雨時  
霈秋禾秀發大有可期臣身列戎行睹此豐登景  
象欣忭無似謹據實入



告上慰

宸衷伏乞

聖主睿鑒謹

奏

據奏二麥收成秋禾秀發朕懷深慰凡如此等奏報務  
宜據實直陳若稍涉粉飾欺隱則為負朕也

雍正四年十月初九日河南南陽總兵官

臣

楊鵬

謹

奏為請均勞逸以收實效事竊照

臣

屬之平頭垛嶺

岢山在汝寧府遂平縣之西四十里實居本省之

中山非峻險徑路分明居民又皆土著無可藏姦

今汝寧營添設把總一員馬步兵丁三十名僅守

此山別無汎地巡防較之別汎一弁而兼管兩縣

中軍復司汎地者勞逸懸殊

臣

查汝寧營叅將之

中軍守備既有兵馬錢糧之責復予以巡防汎守

之司即使才堪肆應亦難分身兼顧

臣

愚請將平

頭垛之把總帶兵十名移駐汝陽縣其城內地方  
仍屬中軍守備專防城外盡歸把總汎守其平頭  
垛仍留兵丁二十名歸隸確遂把總擇委頭目一  
名督率防範一轉移間汎守巡防地方各收實效  
矣再查臣標右營所轄南陽南召當年原係兩縣  
今雖南召歸併南陽地方實屬遼濶專責把總一  
員不無綆短汲長之慮因查臣標左右二營存城  
尚有千把二員請將南陽汎地責成千總而把總

專管南召汛務存城只留把總一員護送一應來  
往差遣如此則勞逸得均而汛防有賴矣抑臣更  
有請者臣屬汝寧營地當吳楚之衝歸德則山東  
接壤陳州係江南連界襄城乃衝繁大道俱稱緊  
要營汛若不親歷巡查恐布置未周伏懇

皇上准

臣

輕騎減從隨時親歷查閱庶官兵知儆營汛

整肅而宵小自必斂迹矣

臣

因營汛地方起見冒

昧陳請伏乞

睿鑒批示遵行謹

奏

所奏俱是其撥兵移駐等務與撫臣田文鏡商酌妥協  
會疏題請可也

同日又

奏為恭繳

硃批諭旨敬陳下情事雍正四年七月二十五日

臣家

人齋捧

硃批奏摺到

臣

跪讀之下仰蒙

聖訓周詳不啻耳提面命自當心體力行所有奉到

硃批奏摺理合恭繳至

臣

前摺陳

奏前任鎮

臣

董玉祥所留隨丁馬糧四十八分蒙

天恩賞給養廉受

恩愈重報稱實難第查隨丁馬糧向無馬匹止存馬價

銀八百六十五兩新舊交代歷有年所今董玉祥

那用此銀已蒙

聖主矜恤弘仁

特恩寬免但思此項馬匹折價根由皆因新舊交收之際借此居奇指稱疲瘦老弱勒措刁難因照重價折銀以致永成流弊今若再動公費購買補額則將來交代弊竇復萌

臣思既蒙

皇上隆恩擢補總兵重任隨帶辦差馬騾豈無二三十匹既係隨丁即應自備如遇差遣一例輪流且彼此俱行自備則新舊得免交盤既無缺額之馬不

受勒措之累倘蒙

聖恩俞允

臣

隨任現有馬騾二十二匹

臣

再購買二十

六匹以足四十八匹之數聽候遣調抑

臣

更有

奏明者查

臣

屬七營礮位寥寥無幾今

臣

謹捐造子

母礮四十位標下左右二營存留二十位荊子關

安設四位其餘十六位酌量分發各營險要處所

礮位缺少營汛安設教演均期施放純熟有備無

患庶稍資軍實而

臣

亦得盡犬馬微忱於萬一謹



具摺

奏明統祈

皇上睿鑒施行謹

奏

類斯等事只要所行是當而已朕不便批諭

雍正五年二月二十六日河南南陽總兵官

臣楊

鵬謹

奏為恭繳

硃批諭旨敬陳欽奉緣由事竊臣前摺

奏請製旗幟捐礮位查營路分汛防種種愚忱荷蒙

聖鑒臣跪讀

硃批感凜益甚臣隨於封印之後輕減騎從秋毫不累

營伍親視地方險易就便操演兵丁技藝因巡至

臣屬之歸德府鹿邑縣地方與江南亳州接壤東

西大路延袤一百二十餘里係山陝通商要路其

間並無塘汛行旅往來無以防衛臣即飭令各該

營酌定遠近添設汛防三處

臣

因便道面商撫臣

令該有司修造兵舍墩臺庶晝夜防護有藉而道

路行旅自可無虞矣其餘或有應添汛防之處容

臣

酌妥會商安設至於旗幟業已製造報竣分給

各營以壯觀瞻所有步兵盔甲未完之數現在仍

行補造其子母礮位

臣

已捐銀造就照前摺

奏明處所分給安設務期教演純熟有備無患統俟

盔甲造齊之日逐一分析造冊報部備案至南召

南陽平頭塚移緩就急等事臣已咨商撫臣尚在  
委員查勘俟勘明妥確移覆到日遵

旨會題所有奉到

硃批奏摺理合恭繳謹

奏

聞爾聲名甚優勉之爾子楊琦朕面見時另降諭旨

同日又

奏為雨雪及時麥苗茂盛據實奏明上慰

聖懷事竊

臣

節據

臣

屬各營將備報稱去冬得雪三次

每次約有五寸六寸不等俱皆入地足滋沾潤交

春以來復時得雨雪在地麥苗勃然興起及

臣

巡

視營汎果見

臣

屬地方二麥茂盛將來收成十分

可望田夫野老莫不懽愉鼓腹時豐歲稔兵民熙

皞理合據實奏

聞伏乞

皇上睿鑒謹

奏

覽奏雨雪霑足深慰朕懷爾等文武大員皆實心任事  
能以忠誠感格

上蒼則地方自蒙錫佑之慶勉為之

雍正五年五月十二日河南南陽總兵官

臣楊鵬

謹

奏為恭謝

天恩謹請

陛見以遂瞻戀微忱事竊

臣仰沐

皇恩至高極厚自顧駑駘毫無報效夙夜捫心正切慚

悚

臣

子何人復蒙

召問

聖訓諄詳

賞賜緞疋更荷

天恩賜

臣

貂皮捧齋到署之日

臣

即率領

臣

子楊琦望

闕九叩謝

恩祇受訖伏念臣自山西老營營叅將叨蒙

特恩補授山東沂州副將赴京

陛見之後到任未幾旋奉

特旨擢補南陽總兵官自違

天顏將近二載戀

主之私時刻莫釋竊念南陽一鎮地居腹裏

京師咫尺往返非遙況路當孔道營汛繁多一切巡

防事宜

臣

方竭力整飭若不恭聆



聖訓恐未免措置失宜伏乞

聖恩准

臣

於十月初旬辦理軍政事畢馳覲

天顏跪聆

聖訓庶犬馬依戀之私得以少遂而

臣

一切職守亦得

有所遵從矣為此具摺

奏謝仰祈

恩允

臣

無任懇切待

命之至謹

奏

河南係腹裏地方無甚緊要今調爾湖北可速赴新任  
竭力黽勉莫移素志毋負朕恩目今無庸奏請陞見爾  
經見朕數次曾蒙詳細訓諭何必為此無益之往還到  
任後遲三二年自命爾來京見朕也遵旨毋違勉之勉  
之

同日又

奏為夏麥豐收秋苗茂盛上慰

聖懷事竊查

臣

屬七營所轄府州縣地方三月內雨澤

愆期地土微旱

臣

卽虔誠祈禱於閏三月初三初

七初十等日連得時雨四野霑足及至四月雨暘

時若不獨二麥收成俱屬豐稔而秋禾更得播種

通計

臣

屬各營所報麥收分數實有八分以上禾

苗亦甚秀發將來可期大有理合據實奏

聞上慰

聖懷伏祈

皇上睿鑒謹

奏

如此方見留心地方從來武員每於田疇雨澤膜外視之殊不知兵民原屬一體文武大臣均有地方之責曷可漠然不顧所奏朕嘉悅覽焉

雍正五年九月十六日湖廣襄陽總兵官臣楊鵬  
謹

奏為恭謝

天恩敬繳

硃批事雍正五年六月初六日晚接

硃批諭旨

臣叩頭捧讀仰蒙我

皇上訓諭諄切不啻耳提面命更荷

賞賚香錠一匣榮幸彌深感激無地所有奉到

硃批奏摺理合恭繳伏念

臣

犬馬庸愚罔有知識荷蒙

聖主隆恩擢補南陽總兵寸長未效復蒙

特恩調補襄陽重鎮嗣接

臣

兄楊鯤家信又蒙

皇恩浩蕩擢授直隸古北口提督臣與臣兄自揣何人

均邀

異數

聖恩愈厚圖報愈難惟有交相誠勉永矢冰蘖之心共  
竭駑駘之力以盡臣子當盡之職仰報

聖主難報之恩於萬一而已所有感激微忱理合繕摺  
恭

謝伏乞

皇上睿鑒謹

奏

但照管自己一身為要交共等字皆黨援朋比之藉詞  
乃朕所深惡者假如楊鯤一旦被譴則從而共怨交恨  
乎果若此則不勝其株連矣凡如斯等小見皆不宜存  
況未必發於真情亦未必能交相勸勉共矢公忠不過  
虛文故套耳朕甚厭覽

同日又

奏為請復拔補千把舊例以收實效事竊臣查從前  
拔補千把除武舉功加之外例由食糧目兵遴選  
考補或以本營之目兵即拔本營之把總考補本  
營之千總或以本鎮協之目兵即拔本鎮協之把  
總考補本鎮協之千總蓋緣生長於斯歷有年所  
風土情形無不深悉縱有匪類託足不難搜捕駕  
輕就熟得展所長今奉部文內開嗣後考定拔補  
之後即調別營一員與之對換其現在之千把總



亦應各就近營漸次換易等因遵照在案茲臣荷蒙

皇恩調補襄陽竊見對換千把絡繹不絕或隔數百里之遙或越千餘里之遠奔馳道路資斧維艱父母不能搬移妻子不能攜帶不惟歲時伏臘嗟無聚首之期偶遇暑濕風寒鮮有親信之託雖云公爾忘私未免內顧多憂不能專心供職且千把之設原以資巡防而衛民生貴乎人地相宜若對換之

弁乍到一營不諳汛防之險易不識道里之遠近  
萬一地方有事勢必措施鮮當顧此失彼貽悞良  
多臣不揣愚昧仰懇

聖慈請嗣後拔補千把仍循舊例停其對換不特末弁  
得免奔走跋涉之苦而於防範巡緝大有裨益矣  
是否有當伏乞

皇上睿鑒施行謹

奏

此奏不是矣國家政令豈宜朝行夕改營弁對換亦未必盡皆千餘里之遙汝懷邀譽之心具此一偏之論俾恩歸於己則怨將誰歸況此事係大員條奏經九卿定議然後施行今據汝一介武夫市小惠而不顧大體之奏遂爾更改成例可乎若又不慎密致令無知微弁羣懷怨望則恐汝禍不旋踵也

雍正五年十月二十九日湖廣襄陽總兵官

臣楊

鵬謹

奏為凍奉

聖諭恭謝

天恩事雍正五年十月二十四日臣家人齋捧

硃批奏摺到

臣

叩頭跪讀仰見

聖諭煌煌諄詳訓示

臣

目覩心驚血淚交并自悔自責

悚惶無地伏念

臣

螻蟻末質疊荷

皇上異數隆恩無可仰報是以苟有管見即行

奏請蓋緣

臣

年六十六歲已及桑榆智昏識短思慮

不周以至有無知妄舉不顧大體之

奏罪無可寬悔懼無及但臣一介戎行實無力延請

幕友事事皆臣具草惟因目昏字拙故囑臣婿薰

沐代書何敢一字漏洩自蹈不謹之罪茲蒙

聖主洪恩諄切垂訓臣惟有益加兢惕夙夜小心凜遵

天語無敢稍懈以圖仰報萬一耳所有奉到

硃批奏摺理合恭繳伏乞

皇上慈鑒謹

奏

覽爾情詞已悉調換十把因定例攸關朕嚴行批諭係  
出一時之見隨於各處訪詢知爾所奏頗屬有理前諭  
錯責汝矣候另有旨

雍正六年五月十六日湖廣襄陽總兵官

臣楊鵬

謹

奏為仰懇

聖恩賞准入籍事竊

臣

本籍山西因

臣

父殉節江右

臣

隻身隨寡母流寓江南即寄籍江寧投營效力及  
今四十餘年由千把歷蒙

皇恩擢授今職

臣

於山西江南素無家產履任以後以

官為家亦未謀及田宅惟在湖南長沙守備任內  
十有六年因無衙署積俸銀一百五十兩置得房  
屋二十餘間不意十六年之中臣之妻子女媳相  
繼淪亡皆寄厝長沙伏念我

皇上寬仁厚澤何在不

曲體矜全犬馬私衷皆得自達臣故不揣冒昧據實叩

懇如蒙

聖恩賞准入籍長沙俾臣得遂家室之謀復免搬移之

累則生生世世子孫孫永沐

天恩於無量矣為此繕摺

奏懇伏祈

聖明恩鑒施行謹

奏



爾今現任湖廣入籍長沙之請不便准行似此奏請者不一朕俱未允准況爾弟兄同氣亦未有異籍之理此事當與爾兄楊鯤商酌而行

雍正七年閏七月十二日湖廣襄陽總兵官

臣楊

鵬謹

奏為夏麥豐登秋成大有據實奏明上慰

聖懷事竊

臣

叨沐

隆恩畀以封疆重任軍務之餘惟宜勤求民隱仰慰

宸衷查得

臣

屬六營所轄襄郡七州縣地方自春徂夏

雨暘時若農事維勤播種及時二麥已獲豐收萬  
民咸歌樂歲交秋之際雨水愆期仰荷

皇上至誠感格隨求隨應時雨頻施粟穀雜糧現今俱  
已豐收其晚稻業已成實野老田夫懽愉鼓腹但  
聞襄陽以南秋禾微旱然米價尚平理合據實陳  
奏伏乞

皇上睿鑒謹

奏

覽奏知道了

汝兄楊鯤豈有如此負恩之理朕實愧於諭汝向時知  
遇寧不可惜汝當追念祖父深自奮勵毋效汝兄玷辱  
先人顏面也

同日又

奏為微臣受

恩深重乞效犬馬稍慰下悃事竊臣

駑駘末質樗櫟庸

材屢蒙

皇上殊恩不次超擢即捐糜頂踵何能仰報

高深茲於本年閏七月初四日接准湖廣署提臣岳超

龍來咨為欽奉

上諭事並諸王大臣議覆奏摺臣恭閱之下知噶爾丹

策凌兇頑無狀逆

天背理恭承

聖諭熟慮深思允宜命將興師滅此小醜俾衆蒙古俱

得安生伏念

臣

一介武夫荷蒙

聖恩畀以封疆重任今當臣民爭思效力之際

臣

何敢

優游內地安享虛糜況

臣

有長子楊世春係候補

守備隨

臣

任所幫辦事宜值此軍興之時邊陲要

地不無轉運軍需調度兵馬之任懇祈

天恩命

臣

移調西北邊隅之區容

臣

隨帶長子世春前

若有

仍須

汝之

籌畫

處

朕

何敢

輕舉

此事

往或可籌畫

一二少盡微

臣

報

主愚悃於萬一更有請者

臣

有次子楊琳由武進士叨

列侍衛雍正三年蒙

皇上恩授廣東南澳遊擊繼調韶州歷任四年其才其  
一者溺愛不明人之通病二者子之於父儼如臣之於  
守臣可自信更有臣季子楊琦原食糧於長沙撫  
君保無掩其所短而著其所長才守二字何可確信  
標身充戎旗千總臣看其性本愚鈍但隨臣任所  
猶熟習弓馬是以雍正五年臣特令其齎摺赴

闕仰懇

聖主賞一差使當蒙

召問

恩賜緞疋且邀

聖諭命臣訓其成人聽聞之下感泣涕零此兩子者均

屬年富力强正堪驅使懇祈

天恩於此番兩路進兵之會

恩允將臣兩子

所請不必無可派用處

賞派隨師征勦稍盡犬馬之力則臣幸甚臣子幸甚矣

為此繕摺請

旨臣不勝懇切待

命之至謹

奏

覽

同日又

奏為敬陳一得之愚仰祈

聖明採擇事竊念兵丁以技藝為先行軍以火器為重  
茲當用兵之際已久蒙

皇上睿慮深思練以雷車濟以火器誠大有裨益於軍



旅者也。楚地兵馬柔弱，大非秦晉壯健可比。惟籐牌之設，繪以虎豹之形，步武有方，進退有則，逆兇所恃者馬，若出其不意，跳舞旋繞，賊馬見之必皆驚竄。後以烏鎗繼進，無不以一當十也。籐牌之技，以閩粵為最。今臣所屬六營，亦時加操練。臣思軍中征討之時，籐牌實制敵之要具，不知軍前現在殊屬可笑之論備辦否？故不揣鄙陋，奏明。

皇上此番用兵，或於閩粵湖廣等省揀選數百名，派入

步軍火器之內酌委熟諳簾牌之員董率前往況  
西北地方多係曠野旋繞跳舞奮勇爭先想賊馬  
俱令奔潰後續當如何措施耶  
見之自必驚潰或可稍有裨益於行陣也是否允

協伏乞

睿鑒施行謹

奏

洵為大笑談果係年老昏憤乎汝其據實奏朕知之

雍正七年九月二十四日湖廣襄陽總兵官臣楊

鵬謹

奏為遵

旨據實奏

聞事竊

臣家人齎摺回署

臣跪讀

硃批荷蒙

天語下逮開示愚蒙

臣

敬誦之下豁然省悟不惟我

皇上以鄙陋之見為可笑即臣亦自覺無補愧悔莫及

且蒙我

聖主寬厚殊恩不即罷斥

諭臣據實奏知臣益感激涕零悚惶無地但臣年及桑榆才庸識短心餘力絀思慮不周誠如

聖諭年老昏憤也惟念臣

臣自雍正三年蒙

皇上特授山東副將引

見之後叩違

天顏又經五載戀

主之私時刻莫釋茲泣求

聖主格外天恩容臣再得瞻

天仰

聖俾犬馬依戀之心得以稍遂至臣兄楊鯤荷蒙

皇上逾格擢用上負

天恩罪無可逭臣惟凜遵

聖訓竭蹶駑駘循分供職斷不敢稍效臣兄苟存不肖

之心仰負

聖恩身罹

國法并無以見臣祖父於地下臣不勝戰兢悚惕之至伏乞

皇上慈鑒施行謹

奏

所慮者汝精神不佳或致貽誤職守若猶可支持朕所願也何必來京陛見徒為無益之往返如實覺有衰邁龍鍾光景據實奏聞朕保護汝完名全節不亦美歟然進退二者務宜自信無欺固不可圖一己之清閒而虛

負國恩又不可強勉支持曠誤公事貽笑同官并見譏於屬員也總宜量力為之

雍正八年正月初七日湖廣襄陽總兵官

臣楊鵬

謹

奏為恭謝

天恩據實陳情事竊臣家人齋捧奏摺到鎮仰蒙

皇上恩諭諄切周詳不覺涕淚交并感激微悃實非章

奏所能陳達竊臣一介微末蒙我

皇上知遇隆恩拔於排陷之中畀以總兵之職是臣以  
負罪之末弁遭逢格外之

殊恩歷蒙

優擢年齒將屆七旬揆之臣心更何不足但勉強竊祿

臣固不敢若力可支持借故圖安臣實不忍今蒙

皇上恩諭進退二者令臣量力為之臣若不據實直陳

是全無人心者矣臣當年於守備任內奉差苗疆

地方右臂曾受風濕邇來年及桑榆不能張弓挾



矢但臣精力尚健於操練兵丁約束將弁巡查地方臣雖不敢妄自矜詡而自揣儘可支持臣惟益加勤慎勉力供職以期仰報

天恩於萬一若至臣力實有不能之時斷不敢貽誤地

方立即據實入

告再臣犬馬戀似此煩瀆朕殊不解前摺批諭甚明何乃復請況年邁

之人經風霜勞碌精神未免傷損但能勉盡職守遵朕

主之私寢食寤寐實難稍釋更祈我

訓誨實力奉行將所聞所見一一秉公入奏勝於面朕

皇上俯憐臣無已之情容臣仰觀

多矣  
天顏庶臣微忱獲遂生生世世銜結

洪恩矣為此據實直陳伏乞

皇上睿鑒施行謹

奏

覽

硃批諭旨卷一百五

欽定四庫全書

硃批諭旨卷一百六

硃批張善奏摺

雍正六年十一月十一日山西大同總兵官

臣張

善謹

奏為恭謝

天恩敬請

陛見事竊

臣蒙

皇上天恩畀以山西大同總兵重任於雍正六年十月  
二十二日抵任當即恭疏叩謝

天恩任事外伏念大同為邊陲要地總兵責任匪輕所  
有應行事宜雖勉竭駑駘次第料理但臣識淺才  
微其於撫輯兵民一切機宜必得親承

聖訓庶幾有所遵循伏懇

皇上恩允容臣減從輕騎趨赴

闕廷跪聆

天語不惟巖疆重寄得以措置合宜而犬馬戀

主之忱亦得以少慰矣為此繕摺奏謝

天恩所有

臣瞻戀下悃懇請

陛見情由相應一併請

旨伏乞

皇上睿鑒施行謹

奏

爾方到任未久且不必來京地方營伍一切事宜周知

後於明歲春夏間再行請旨可也

雍正七年正月十九日山西大同總兵官

臣張善

謹

奏為籌補軍器事竊

臣

自到任以來一切應行事宜

俱在次第料理而操練兵馬整飭營伍之處尤關

首務查

臣

標下三營及協路各營旗幟帳房新舊

參差鑼鍋鍬鑿多有不備細詢其故緣營伍軍器

一有缺損例應於公費銀內即行補製而大同鎮

屬三營並協路十四營汎共止留公費糧五十三  
分除各營路每年奏銷兵馬錢糧冊籍紙張領餉  
盤費等項之外所餘無幾此外無項可動是以上  
下相因不行補造今估計補造帳房鑼鍋鍬鏹及  
大小旗幟等具共需銀八千三百九十兩零臣查  
有前任鎮臣祖秉衡具奏大同教場地租並助馬  
得勝二路交送總兵衙門餵馬穀麥請充積貯每  
遇青黃不接減價平糶以濟兵丁雍正五年六年



分穀麥業經減價給兵易過價銀一千八十兩零  
現在存貯買補又前任鎮臣祖秉衡具奏清出各  
營路地畝餘租易價銀二千二十八兩零奏請製  
造各營路步守兵丁棉甲均蒙

俞允准行在案

臣

愚以為濟兵造甲亦屬急公但大同

地方上年收成頗好兵糧無庸接濟至製甲之請  
原為營伍壯觀然較有關實用之軍器尚在可緩  
請將祖秉衡奏准積貯餘租造甲二項動用易價

銀兩先製造旗幟帳房鑼鍋鋏鑊等項以裨實用  
俟此項製造完備再請補製棉甲除動用積穀餘  
租易價銀三千一百九十兩零尚不敷銀五千三  
百三十兩零仰懇

聖恩准令臣在山西司庫銀內暫行借支製造其司庫  
懸項銀兩准於積貯穀麥并餘租銀內以雍正七  
年秋收後起勻作二年變解司庫還項倘蒙

恩允則營伍軍需實有裨益矣是否有當伏乞

皇上睿覽批示遵行謹

奏

所請候交廷議積貯棉甲二項與旗幟帳房之應緩應  
急要在權其先後而次第為之也

雍正七年三月初八日山西大同總兵官

臣張善

謹

奏為犬馬戀

主情殷恭請

陛見以展微忱事竊臣於去歲繕摺奏請

陛見仰蒙

皇上硃批爾方到任未久且不必來京地方營伍一切事宜周知後於明歲春夏間再行請旨可也欽此欽

遵臣將應行事宜及奏請製造旗幟帳房等項俱

已次第辦理至前派大同營路解陝軍需馬匹並

大同官兵領解右衛旗兵馬匹今准山西撫提二

臣來文令臣派撥官兵解交陝西臣遵照派定官

兵俱已分運解送訖仰懇

天恩容

臣

減從輕騎赴京

陛見瞻仰

天顏跪聆

方畧俾巖疆措置有所遵循而戀

主微忱亦得少抒於萬一矣為此具摺請

旨伏乞

皇上睿鑒俯准施行謹

奏

目下有派撥兵弁諸務湏汝在任料理候至秋間有旨  
雍正七年三月二十日山西大同總兵官

臣張善

謹

奏為

聖恩高厚難名

臣

心仰報彌切懇請隨師進剿以申報

效微忱事竊

臣

接奉部文派選

臣

屬老營營叅將

呂瀚河保營叅將陳昇管領車騎營兵丁限五月

二十五日以前到京

臣

遵即轉行現在料理至期

起程外伏念

臣

生長西邊歷任川陝屢隨總督

臣

岳鍾琪克取西藏征勦青海其塞外行營諸務頗

知大槩今值用兵之際正

臣

效力之時安敢尸位

素餐不思報稱謹繕摺籲懇伏乞

聖主恩准所請或令

臣

由何路領何處官兵或准

臣

隨

師一同進勦以盡職分以攄犬馬報效之悃

臣

無

任悚惶待

命之至為此繕摺請

旨謹

奏

無庸奏請凡事遵承朕之訓諭而行

雍正七年閏七月十八日署理陝西固原提督印

務總兵官

臣

張善謹

奏為恭謝

天恩事竊

臣

荷蒙



聖旨調

臣

陞見即命

臣

署理陝西固原提督印務驚聞

寵命感懼交加又蒙

皇上隆恩賞賜孔雀翎絨纓帽一頂見

臣

眼疾即

賞賜洗眼藥方著太醫院為

臣

療治

臣

冒昧以私情妄

瀆即蒙

聖恩准給

臣

曾祖父母一品

誥封

臣

子鵬翱更蒙

天恩賞列藍翎侍衛又於

臣

陛辭請

訓之日荷蒙

教誨諄切指示周詳復

賜<sup>臣</sup>紗袍紗褂火鑪鼻煙荷包餽餽果乾各一匣伏念

臣邊鄙庸材毫無知識欽承

皇上如此弘恩是皆古今臣子不世有之奇遇而在微

臣更為夢想所不敢望者清夜自思感激難名惟

有凜遵

聖訓黽勉自勵盡此愚誠不敢稍存欺飾竭蹶供職以

冀少答

天恩於萬一耳所有微臣感激蟻悃理合具摺

奏謝伏乞

睿鑒謹

奏

柔善巧詐之輟萬不可蹈徇人欺主之事萬不可為能

此方不負朕格外恩遇亦係保全聲名之正道若心稍  
瞻顧行小惠以沽虛譽或枉法徇情因私廢公被朕覺  
察決不輕恕汝也勉力為之

同日又

奏竊

臣

於七月初一日叩辭

闕廷於初二日自京起程出居庸關由宣府至大同渡  
黃河經延綏沿邊一帶抵固原數千里在在雨暘  
時若禾稼豐美農工商賈各安生理莫不仰頌

皇仁羣歌樂利

臣

目擊歡戴情形不勝雀躍理合一併

具

奏伏祈

睿鑒謹

奏

凡如此等之奏不可粉飾浮詞圖美觀聽類斯習氣甚屬無味總務一真誠為要誌之

同日又

奏為奏

聞事竊

臣欽奉

聖旨命署固原提督印務到任之後即將一切應行事

宜次第料理所有陝省召募兵丁

臣已遵照寧遠

大將軍

臣

岳鍾琪照會數目飭行標協營路將備

各官務募年力精壯技藝嫻熟之人勤加訓練

臣

不時合操期成勁旅以盡

臣

職其應需馬匹鑼鍋

帳房等項另咨督臣購辦再陝省官員署任者多

昨<sub>臣</sub>赴任一路凡有接見之員

<sub>臣</sub>仰體

聖意面加教訓必期實心竭力仰報

皇恩此中倘有貪黷乖張不肖之員

<sub>臣</sub>即咨會督臣

題叅必不少徇情面至於固原提標營中事務據

<sub>臣</sub>

標中軍摺開營中前存一切錢糧已經前任提督

路振揚將用過銀數

奏明止下剩銀七百五十三兩零現在營中收貯等

情<sub>臣</sub>遵

旨復加細查前任提臣路振揚莅任三年謹慎小心營務無悞其一切用過錢糧既經

奏明無庸臣再具

奏合併奏

聞謹

奏

路振揚除操守之外一無可取巧詐不實鄙劣人也



殊批諭旨卷一百六

欽定四庫全書

硃批諭旨卷一百七

硃批佟世麟奏摺

雍正元年五月二十日河南南陽總兵官

臣佟世

麟謹

奏為南鎮霖雨及時二麥均收恭進新麥仰慰

聖懷事竊臣查南汝地方各州縣霖雨及時二麥收成

皆足八分而南陽之西南浙川鄧州等州縣二麥

更加茂實戶慶豐年民歌大有

臣荷蒙

聖主隆恩鎮守南汝不時緝查各汛地方俱皆安靜

臣

不勝欣幸為此恭進新麥上慰

聖懷謹

奏

覽奏深慰朕懷但一切務須據實不涉粉飾方足取信  
耳

雍正元年五月二十五日河南南陽總兵官

臣佟

世鏘謹

奏為敬陳管見恭請

睿裁事竊南陽一鎮統轄七營五十二州縣汎地各營  
將備千把共四十七員有一縣一千把者有兩州  
縣一千把者惟汝寧府屬信陽確山遂平三州縣  
僅一千總防守查此一州二縣衆山連絡盜案甚  
多且係楚豫通衢臣愚以為地方既屬緊要全在  
盤詰姦宄汎防周密三州縣僅千總一員兵丁八

十七名何以資彈壓而嚴稽查臣謬陳管見請將

現在千總一員仍防守信陽一州其確山遂平二

縣另添把總一員駐劄確山巡防二縣信陽一州

舊有兵四十七名無庸添設其確遂二縣汛兵僅

有四十名須另添五十名於汝寧各弁之公費占

役兵內選補派入可以不須增募惟須添設把總

一員以資防守庶免鞭長莫及之患是否可行伏

乞

睿裁指示以便會同撫臣具

題謹

奏

所奏甚是如此方見實心任事朕深為嘉悅添設把總  
一員或二員皆可會同撫臣具疏題奏

雍正元年八月初六日河南南陽總兵官臣佟世

麟謹

奏為請補幹員以裨益營伍事竊臣標左營中軍遊

擊一缺為七營之首領且有兵馬糧餉專責必得  
幹員方克勝任查有臣標右營遊擊王瑞材久諳  
營務實心任事若以調補中軍遊擊誠為人地相  
宜又有臣標右營守備周三奇人材健壯辦事勤  
慎堪以陞補右營遊擊之缺但河南原無

題補之例

臣

為營伍地方起見是以據實

奏請應否

准行伏乞

皇上睿鑒批示以便具

題謹

奏

爾自抵任以來實心任事營伍較前整飭大有可觀朕  
深為嘉賞益當勉力辦理以圖上進遇此等缺出如得  
勝任之人只管奏請不必畏懼應否准行朕自明白批  
諭此中軍一缺因已補用有人今發該部查議若可轉  
移仍照爾所請行其靜候部議可也特諭



雍正元年九月十八日河南南陽總兵官

臣佟世

麟謹

奏為南鎮秋稼告成地方安靜仰慰

聖懷事竊

臣

查南汝地方夏麥豐收之後家有蓋藏民

多饒裕入秋以來禾黍暢茂惟於成實之候雨澤

遲早不一不能十分豐足詳勘兩府秋成計有七

分俱已收穫至鎮屬各營士卒

臣

不時操練嚴飭

巡防地方俱各安靜為此繕摺奏

聞伏乞

睿鑒謹

奏

覽奏大慰朕懷凡事只以據實直陳為是勉之

雍正元年十一月二十八日河南南陽總兵官

臣

佟世鏐謹

奏為地方寧謐瑞雪及時據實奏

聞仰慰

聖懷事竊查

臣

鎮屬荆紫關界連秦楚為三省隘口甚

屬緊要

臣

親巡其處將關門堡牆損壞之處并各

路墩臺堡房之坍塌者俱咨明撫臣轉飭州縣修

築其旗幟軍械牌架等項

臣

已捐俸逐一添整鮮

明又於緊要隘口添設兵丁以嚴防守又慮汛守

兵丁平素不諳緝盜諭各營將兵丁內挑選技勇

精熟

知識

通達者責令專捕姦匪兼委將備幹員

果能

如此好極有何可論

不時巡查各路務期盜弭民安邇來仰賴

聖主一人有慶地方俱各安靜且查南汝二府今歲秋  
成之後二麥俱已播種昨十一月二十八九日連  
降瑞雪四野均沾將來二麥自可豐收矣理合一  
併奏

聞謹

奏

覽瑞雪情形朕懷深慰

同日又

奏為恭謝

天恩事竊

臣

齋摺家人捧回

硃批諭旨並

欽賜火鑪包鼻煙壺到

臣

隨郊迎至署恭設香案望

闕叩頭謝

恩祇受訖伏念

臣

謬膺重寄毫無報稱蒙

皇上恩訓頻加

寵頒屢及

臣

感激寸誠銘心鏤骨又於十月十六日得

接部劄欽奉

硃批諭旨將遊擊王瑞材守備周三奇照臣所請補用

臣聞命之下益深感奮惟有益加砥礪恪勤供職  
以期無負

天恩高厚已耳為此繕摺

奏謝謹

奏

知道了聞爾聲名甚好更當加勉可也

雍正二年三月十五日河南南陽總兵官

臣佟世

麟謹

奏為禾稼得雨墩堡告成據實奏

聞仰慰

聖懷事竊查去冬、南汝兩府得雪之後二麥俱皆發生

今於本年二月二十二日及三月初三初七

等日屢降甘霖四野霑足麥苗日見暢茂穀黍俱

皆播種再查

臣

鎮屬各路墩臺堡房俱經修葺軍

械亦俱完整惟荆紫關門牆堡房臣咨撫臣轉飭

之後有司方興工作築壘需時俟告竣另具摺

奏今查得春雨及時地方寧謐理合據實奏

聞謹

奏

所奏朕嘉悅覽之爾之實心任事處朕俱洞悉勉之母  
懈

雍正二年閏四月二十八日河南南陽總兵官臣



佟世麟謹

奏為南鎮二麥豐收秋禾茂盛恭進新麥仰慰

聖懷事竊

臣

查南汝地方各州縣二麥收成皆足八分

而南陽之西南浙川荆紫關及桐柏縣等處二麥  
更加豐收現在各處秋禾暢發人民樂業地方寧

謐臣不勝欣幸今將新麥恭

進上慰

聖懷下達蟻悃為此謹

奏

二麥豐收朕懷甚慰撲捕蝗蝻勤惰光景如何據實奏聞

雍正二年六月二十九日河南南陽總兵官臣佟世鏐謹

奏為遵

旨據實奏

聞事竊臣奏二麥豐收一摺奉

硃批令

臣

將撲捕蝗蝻光景據實奏聞欽此

臣

查訪得

開封府之原武中牟懷慶府之河內溫縣武陟修

武河南府之鞏縣衛輝府之獲嘉新鄉輝縣等處

俱有蝗蝻生發先經撫

臣

石文焯委員查勘後漸

生羽翼於五月二十二日羣飛過河至開封府新

鄭縣地方係

臣

鎮所屬隨委守備會同有司已經

撲打淨盡隨後忽有遺下蝻子生發

臣

復嚴飭撲

打現在撲滅將盡其禾苗幸未傷損至中牟河內

溫縣修武鞏縣輝縣俱經有司撲打已盡惟原武  
武陟獲嘉新鄉等縣現在有蝗俱係百姓自捕遺  
下蝻子漸生羽翼又復延飛而原武之茨菇堤並  
獲嘉之亢村驛張家堤等處飛蝗現今更盛高糧  
豆穀食傷過半此各處撲捕蝗蝻情形謹據實奏  
聞伏乞

睿鑒謹

奏

知道了百凡惟宜務實倘涉隱諱及有絲毫迎合處被  
朕於他處聞知則自取輕棄矣爾之官聲甚好當竭力  
保全始終

雍正二年九月初六日河南南陽總兵官臣佟世  
鐸謹

奏為南鎮地方寧謐秋稼豐登恭進方物仰慰

聖懷事竊查南鎮各路地方俱各寧謐汝南各州縣秋  
稼登場穀黍收成俱有八九分不等茲值萬寶告

成謹將<sub>臣</sub>鎮屬汛內出產之岡榴木瓜購選敬貢

上達蟻忱外所有奉到

御批奏摺理合恭繳謹

奏

據奏秋成甚為欣慰此皆爾等地方文武大吏和衷任  
事安戢兵民有以感召

天和之所致也勉之

雍正二年十一月十六日河南南陽總兵官<sub>臣</sub>佟

世鏐謹

奏為奏明事竊

臣

巡查鎮屬荆紫關界連秦楚為三

省隘口

臣

因見無關門牆堡難以防守經

臣

具摺

奏明咨會撫臣修築今已告成至於

臣

鎮屬七營旗

幟鳥鎗弓箭帳房什物

臣

抵任時查驗缺少屢飭

設法添補今皆漸次修整第查軍器之利者無過

於鳥鎗籐牌聞各省營標有籐牌者甚多惟

臣

鎮

屬各營向未預備

臣

今與各營將備情願公捐置

造籐牌二百四十面分派各營雇覓教習不時操  
演庶軍威壯而武備修矣其籐牌現在差員辦造  
理合

奏明謹

奏

據奏各營捐造籐牌雖云出自情願切須檢點勿令借  
滋扣剋之弊悞汝一生功名上進之途也

雍正三年正月二十四日河南南陽總兵官臣佟



世鑄謹

奏為恭謝

天恩事雍正三年正月初四日撫臣田文鏡差把總齎

捧

御書福字到臣出郊跪迎進署恭設香案望

闕叩頭祇受訖敬瞻

宸翰感戴靡涯惟有持躬率屬恪勤供職以期無負

天恩於萬一耳謹

奏

爾係大可上進之人惟宜孤介自持為要其勉為之

雍正三年四月二十四日河南南陽總兵官

臣佟

世鏐謹

奏為恭報得雨仰慰

聖懷事竊

臣

鎮屬南汝歸德三府於正月二十二二十四

等日得雨之後二麥茂盛豐收可期不意三四兩  
月雨澤愆期二麥結實不能豐滿至四月初三初

七等日連次得雨俱有三寸四月十四日

臣奉

旨前往桐柏縣致祭

敕封東瀆淮神於十七日抵桐即落微雨十八日大降

甘霖今

臣

於二十一日回署查得南陽府屬各州

縣俱於十七十八日霖雨透足早禾皆已發生晚

禾現在播種其二麥收成約計四五分不等至汝

寧歸德兩府得雨分數日期以及二麥收成分數

臣已差員分路細查俟查明另

奏謹先將南陽府屬州縣得雨日期據實奏

聞謹

奏

所奏已悉紀成斌居官如何據實奏聞

朕前諭爾以拆介二字自持若不能回奏則上進亦在

所不能矣從京趕馬到豫分派營伍一事如何情由其  
據實陳奏如知悔過朕猶寬恕若仍欺隱恐未必妥也

硃批諭旨卷一百七

# 欽定四庫全書

史部

硃批諭旨卷一百八十一至

臣 永瑤 恭校

編修 臣 裴謙 覆勘

總校官中書 臣 朱 鈐

校對官中書 臣 陸 湘

謄錄監生 臣 王國梁

欽定四庫全書

硃批諭旨卷一百八

硃批馬觀伯奏摺

雍正元年四月十三日山西大同總兵官

臣馬觀

伯謹

奏為奏

聞事雍正元年四月初一日准軍前兵部通圖知會內  
稱各營兵部噶喇太多其納索和托稟稱我等各

營現在官兵甚少不穀當差今綠旗營有兵五百  
二名礮手五十餘名令派堆子二處請將軍定奪  
等語奉將軍諭著令綠旗營出街上堆子一處出  
看倉堆子一處等因知會到臣隨即行令守備千  
把派出去後據守備王紀呈稱蒙此既奉將軍諭  
令自當遵奉但查當日礮在八旗營內礮營兵丁  
止應礮上差使並不應別項差使今礮在綠旗營  
內噶喇大屢次扳差祈本鎮移明兵部轉請將軍



仍將礮位照分八旗承管願與一同當差等因呈

報到

臣

隨移覆軍前兵部外於初五日准兵部傳

文奉將軍諭令京營官接管礮位綠旗營著令應

堆子二處再派兵一百八十名往烏蘭滾種地並

往卡路及察罕叟兒看城去等因遵將礮位交送

京營收管所派官兵遵照派往今將交礮日期奏

聞抑

臣

更有請者綠旗兵五百二名今既派往卡路等

處二百名

臣

帶領官兵無幾若進兵時仰祈

聖主將大同營路官兵准臣提調三百五十名以備進  
勦為此一併具摺請

旨謹

奏

覽爾所奏行營兵馬情節知道了已有旨矣

雍正元年十二月二十五日山西大同總兵官臣

馬觀伯謹

奏為奏

聞事竊臣奉

旨帶兵一千名前往甘州於十二月初三日出發虎口

仰賴

聖主洪福天氣和暖未甚寒冷水草未致缺乏官兵馬  
匹俱獲平安於本月二十二日進橫城口二十三  
日已至寧夏俟關支口糧之日起程前往甘州所  
有官兵進口到寧日期理合具摺奏

聞謹

奏

覽奏知爾等已抵寧夏時值嚴冬霜雪在地兵馬幸不  
至於苦累朕甚慰悅

雍正二年五月初四日山西大同總兵官

臣馬觀

伯謹

奏為恭請

聖安事竊

臣欽奉

諭旨帶領官兵前往甘州茲奉大將軍年羹堯令

臣將

所帶官兵撤回大同等因蒙此臣帶領奉撤官兵  
於本年四月二十九日自山丹起程五月初三日  
抵臣屬汎保德營地方俟接印視事之日另疏具  
題外謹先繕摺恭請

聖安為此謹

奏

朕安所奏已悉帶回官兵人馬如何情形隨便摺奏以  
聞

雍正二年七月初二日山西大同總兵官

臣馬觀

伯謹

奏為奏

聞事竊

臣

於去歲十二月內欽奉

諭旨令

臣

帶領官兵前往甘州有署事永北總兵

臣兄

馬會伯到鎮

臣

將嚴飭各營文案暨除草事宜向

馬會伯交代去後今

臣

於五月初五日回任隨復

行查標協各路營伍據各營路將弁報稱經署事

總兵馬會伯並叅領陳王章飭行整理演習今皆

遵奉施行等語

臣

親查標下三營兵丁軍器雖皆

整理而技藝尚不能純熟所有各路營務非

臣目

親難以憑信

臣

請俟秋收後親歷各營查閱操演

務期兵強技熟方與營汛有裨至各官眷廉荷蒙

聖主恩施格外

臣

俱照署事總兵

臣

馬會伯叅領

臣

陳

王章所存之數支發不敢再為增加又查大同等

處今歲雨水調勻夏田俱收秋禾甚好米糧價值

日漸平減理合一併奏

聞謹

奏

馬會伯陳王章經朕諭令不可刻薄從事致爾回任後難以措施但伊等或有過寬過嚴之處皆未可定且伊等並未定有成例斯乃爾本任內事應添應減爾宜再加斟酌損益務求得中而行毋得藉諉伊二人也

雍正二年八月初四日山西大同總兵官

臣馬覲



伯謹

奏為奏

聞事竊臣前奏俟秋收後親歷各營查閱操演一摺奉  
到

皇上硃批

臣

跪讀之下感戴靡涯伏思

臣受

恩深重任事一日即有一日之責何敢藉諉他人以負  
聖主體恤武弁之至意除營伍事宜臣盡心料理外各  
官養廉俱查照原任湖廣提督俞益謨

奏准提鎮副叅以及千把等員親丁名糧之數留給  
養廉各官俱各足用查臣屬副將叅將遊擊都司  
守備共五十二員所管兵一萬六千一百餘名除  
各官親丁糧外酌量營頭之大小每營各留有公  
用糧八九名或六七名二三名不等共留公用糧  
一百八十五分以作各項公用敢有多占即行叅  
處如此則兵餉永無剋扣寬嚴亦屬得中為此繕  
摺奏

聞伏祈

睿鑒謹

奏

凡事只在行為不在言語間也如果實力奉公潔已率屬朕自有見聞勉之

雍正二年十月二十日山西大同總兵官

臣馬覲

伯謹

奏為奏

聞事竊

臣

於本年八月二十六日前往殺虎平魯老營

水泉偏關河保利民東路北樓靈邱山陰新平得  
勝助馬等處各該副叅遊都并所屬備弁大小營  
頭點閱查看得各該營路旗幟器械鑼鍋帳房俱  
已整理齊備兵丁技藝弓馬鳥鎗亦皆漸有起色

但其中尚有老弱不堪者臣驗明革退仍募壯勇  
為何不覺察於早且恐不止此一營此一備也  
外再鎮西營守備杜自顯不遵教令汎守缺兵業

同撫臣諾岷會疏

題叅在案今臣於十月十五日事竣回署仍嚴飭各  
官勤加操防不許缺兵侵餉如仍前欺玩懈怠查  
實立即入

告謹將微

臣

查閱營汛起程回署日期繕摺奏

聞謹

奏

言之可聽耳循名責實或未必然

雍正三年正月二十四日山西大同總兵官

臣馬

覲伯謹

奏為欽奉

上諭事竊

臣

蒙兵部劄付欽奉

上諭直省督撫提鎮并道府以上等官禁止蓄養戲子  
仰見我

皇上洞悉羣情無微不至既正風俗兼省糜費甚

盛心也臣向有家生僕人七八名各習樂器以便春秋

祭祀之用並未登場演戲今於奉

命之日即令分散各司別事不敢再用為此據實奏  
聞以免隱匿之愆謹

奏

業既散遣不用何為隱匿知道了蓄養戲子小過也無  
足介意爾等内外文武大臣惟戒鑠營權要乃第一要  
務切莫為此有害無益之事

雍正三年二月十八日山西大同總兵官

臣馬觀

伯謹

奏為奏

聞事竊

臣

前奏遵奉不敢蓄養戲子一摺奉到

皇上硃批

臣

跪讀之下仰見我

皇上明並日月鑒徹萬方内外文武臣工賢愚不肖難

逃

聖明洞照之中臣兄弟數人屢蒙

皇恩任以封疆皆由

異數隆恩並非薦舉所致逢迎餽送素不敢為今奉



天語煌煌敢不益加警惕以無負

聖主至誠開導訓迪周詳之至意除欽奉遵行外謹將  
硃批原摺一併恭繳謹

奏

朕意未必盡如所奏湏心口相應言行相符方好

雍正三年三月初七日山西大同總兵官

臣馬觀

伯謹

奏竊

臣

接准署撫

臣

伊都立移咨令

臣

赴省

臣

隨於

二月二十二日起程二十七日到太原伊都立轉  
傳

上諭爾等於朕見時朕曾面諭諸事聽巡撫諾岷教導  
近聞得爾等諸事俱聽年羹堯指示殊為不是此舉  
干係爾等功名嗣後諸事當與署撫臣伊都立商酌  
而行欽此臣跪聽之下惶悚無地臣與年羹堯素未  
識面昨臣領兵赴甘年羹堯駐劄西寧臣駐防山  
丹未久西陲平定即令撤兵回汛至山陝隔省事

不相涉況蒙

皇恩凡所屬營伍事宜准臣具摺

奏請臣世受

國恩擢任總兵雖極愚鈍而犬馬之心惟知戀

主何敢聽年羹堯指示屢蒙

天恩教誨自當益加警惕恪遵

聖訓勉盡職守仰報

高厚於萬一耳為此繕摺謹

奏

滿口支吾一派謊詞對君父之前豈可如此欺誑乎據此看來乃係不明大義過而不改庸愚下流之人爾意謂憑仗舌辯遂可以瞞朕耶

硃批諭旨卷一百八